



ЗАМАН



Газета издаётся на балкарском языке с 1924 года

Интернет-версия: gazeta.zamankbr.ruКЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Жыйылыу



Баш борч – право низамны кючлеу, къоркъуусузлукъну жалчытыу

КъМР-ни Башчысы Казбек Коков Къабарты-Малкъарда Право низамны жалчытыу жаны бла дайым ишлеп турган координация кенгешни бла КъМР-ни Экономика эмда жамауат къоркъуусузлукъну жаны бла советни жыйылыуларын бирге бардырганды.

Кенгешге КъМР-ни Парламентини Председатели **Татьяна Егорова**, КъМР-ни Правительствоосуни Председатели **Мусукланы Алий**, баш федерал инспектор **Тимур Макоев**, право низамны сакълауу эмда надзор органланы, кюч структураланы, министрстволаны, муниципал къаралыулары администрацияларыны башчылары да къатышхандыла.

Жыйылыуу башлай, Казбек Коков былай айтханды: «2022 жылда право низамны сакълауу органлары республикада къоркъуусузлукъну кючлендириу жаны бла кеп иш тындыргандыла. Аманлыкъ ишлени саны ёсмезча этилгенди, тонау, талауу, урлау дегенча аманлыкъла да азайгандыла. Аманлыкъланы ачыкълау да игиленгенди».

Аны бла бирге республиканы оноучусу бютюн къаты мадарла этмей жарамазлыгын чертгенди. Бек алгъа терроризмге бла экстремизмге къажуа кюрешни кючлендирге керек боллукъду. Дагъыда экономика аман-

лыкъланы, улутхачылыкъны, наркотиклени законсуз сатуу-алуу болдурмау жаны бла къыйматлы мадарла табаргъа тийишлиди. Жоллада юроуюно къоркъуусузлукъун жалчытыу бек магъаналыды. Информация коммуникацияла бла байламлы аманлыкъла да жол бермезге керекди. Акъылбалыкъ болмагъанланы аманлыкъ ишледен сакълау да энчи эс бурулурун излейди.

– Россейни ФСБ-сыны коллегиясында Россейни Президентини Владимир Путин 2023 жылгъа бек баш борчланы белгилегенди. Ала право низамны сакълауу органлагъа да тийишлидиле. Халкъларыбызны айырыр, къыралыбызны къарыусузландырыр мурат бла законсуз ишле бардыргъанлагъа къажуа кюрешни кючлендирмей боллукъ туюлду. Жашуа магъаналы объектлени, адамла кеп жыйылыуу жерлени, транспортну, АПК-ны предприятиялары бек къаты сакъларгъа, дайым да

кёз-къулакъ болургъа керекди. Салынган борчланы жалаанда биригип тамамларгъа боллукъду, – деп чертгенди Казбек Коков.

Жыйылыуда КъМР-де ич ишлени министри **Василий Павлов**, Россейни Юстиция министрствосуни КъМР-де Управлениыны башчысы **Къужонланы Жантемир**, КъМР-ни Правительствоосуни Председателини орунбасары **Сергей Говоров**, ФСИН-ни КъМР-де Управлениыны таматасыны орунбасары **Аслан Канкулов**, УФСИН-ни Уголовный-толтуруучу инспекциясыны таматасы **Николай Никитин** сёлешгендиле. Миллет эмда федерал проектле къалай бардырылганларыны юслеринден а тийишли министрстволаны келечилери билдиргендиле.

Ахырында тийишли протокол оноула къабыл кёрулгендиле.

КъМР-ни Башчысыны бла Правительствоосуни пресс-службасы.

Эп мюлк

Ёсюм эсленеди

Быйыл январьда, озгъан жылны ал айы бла тенгешдиргенде, Къабарты-Малкъарда малчылыкъ продукцияны чыгарыу кёбейгенди. Мюлкени бар тюрлюлеринде да (сау ауурлукъда) 6,9 минг тонна тууар эмда тауукъ эт жарашдыргъандыла. Бу кёрюмдю 12,9 процент кёшханды. Дагъыда 28,7 минг тонна сют (+2,4%) сауулгъанды эмда 9,3 процентге аслам жумуртка жыйылганды.

Мадар

Чучхурлагъа жол кенг эм сыйдам боллукъду

«Къоркъуусуз эм тынгылы тап жолла» деген миллет проектни хайырындан Экинчи Чегем – Булунгу жолну бир кесегинде тынгылы жангыртуу ишле барадыла. Кеп болмай аны Тёбен Чегемни бла Хушто-Сыртны арасында онеки километрик участкасына ремонт этилгенди. Эсге сала айтсакъ, былтыр республиканы Башчысы бла тюбешгенинде, бу проектни



РФ-ни Президенти Владимир Путин дурус кёрген эди, деп билдиргендиле КъМР-ни Башчысыны эмда Правительствоосуни пресс-службасындан.

Шёндю специалистле жолу эм къыйын кесегинде ишлеп башлагъандыла. Ол а Хушто-Сыртны бла Чегем чучхурланы арасындады. Былтыр алайда светодиод чыракъла орнатхан эдиле. Ол да Казбек Коковну буйругъу бла этилгенди, ол Чегем районда жашагъанла бла тюбешгенинен сора.

Айтханыбызча, алайда иш къыйынды, ол тау тийреледе, черекни къатында орналгъаны ючюн. Шёндю Чегем суу артыкъ толу болмагъаны себепли, специалистле аны жагъасында къармаша турадыла. Ала жерни тешип, ары чыпынла орнатхандыла. Аланы юслерине уа бетон къуюп, тынгылы хуна ишлегендиле. Аны хайырындан суу жолну ашагъан къоркъуу боллукъ туюлду.

Дагъыда жолну сагъынлгъан кесегин кенгертирикдиле, юсюне жангы асфальт саллыкъдыла, жанында уа тротуарла ишлерикдиле. Алайлаа адамла тохтап, тегерек-башха къарарча гитче майданчыкъла да къуарар умутлудула.

Жолну Хушто-Сыртдан чучхурлагъа дери кесегин келир жыл бошаргъа дейдиле. Ызы бла уа Булунгъа дери участкасын къолгъа аллыкъдыла.

УЛБАШЛАНЫ Мурат хазырлагъанды.

Устазны бла насийхатчыны жылы

3 бет

Быйыл Устазны бла насийхатчыны жылы болгъаны бла байламлы сабийлени окъутуугъа бла юйретиуге къыйын салган адамланы уллу хурмет бла сагъынганлай турабыз. Бюгюн окъуучуларыбызны жашауун устазлыкъ бла байламлы этген бызынгылы къызыбыз Атолланы Каира бла шагъырей этерге сюеме.



Аны бетинден жарыкълыгъы таймайды

Ёхтемплик

9 бет

Атайланы Далхатны жашы Жашарбек бюгюнлюкде Сауутланган кючлени запаса офицерлерини «Мегапир» атлы миллет ассоциациясыны Къабарты-Малкъар Республикада бёлюмюне таматалыкъ этеди.



Жигитлени юлгюлеринде

ТЮБЕШИУ

Сёлешиуню ёзеги –
төрели ниет хазналары сакълау

КъМР-ни Башчысы **Казбек Кокв** Стратегиялы кёз къарамны «Россей – ислам дуня» деген къауумуну башчыларыны Ислам жаны бла бирге

Ислам жаны бла бирге ишлеуно организациясына кирген къыралланы башчыларыны тюбешулеринде сёлешгенли 20 жыл болганын эсертгенди. Ол

келечилери къатышхандыла. Ала РФ-ни Федерал Жыйылыууну, Россейни Тыш къыралла бла ишлерини министерствосуну, РФ-ни Президентини Администрацияларыны, къыралыбызны регионларыны келечилери, дин къулукчулары бла ушакъны кезиунде бир бирге оюмларын айтхандыла.

Тюбешуде «Россей – ислам дуня» деген къауумну 2022 жылда ишини эсептери чыгарылгандыла эмда келир заманга борчла белгиленгенди. «Россей – ислам дуня: KazanForum» деген ат бла 18-19 майда ётерик халкъла аралы экономика форумну юсюнден да барганды сёз. Ол къалай къураулыгыны юсюнден айтылганды эмда Ислам жаны бла бирге ишлеуно организациясына кирген къыралланы келечилери анга чакъырылгандыла.

Андан сора да, «Россей – ислам дуня» деген къауумну энчи жыйылыуу да боллукъду. Ол 19 майда ётерикди. Анда дин байламлыкълада уллу магыяны тухтан төрели ниет-адеп-къылык хазналары сакълауға баш магыяна берилликди. «Нек дегенде ма ол хазналадыла къыралларыбызны бирча ызларын белгилеген. Россейни кеп тюрлю халкъланы миллет энчиликлерине сакъ болуу жаны бла уллу сынауу барды», – дегенди форумну къураулауға деп билдиргенди КъМР-ни Башчысыны бла Правительствоосуну пресс-службасындан.



ишлеуно организациясына кирген къыралланы келечилери бла тюбешулерине къатышханды. Жыйылыуда алгын сёзлери бла РФ-ни Правительствосуну Председателини орунбасары **Марат Хуснуллин**, Россейни тыш къыралла бла ишлерини министри **Сергей Лавров**, Стратегиялы кёз къарамны къауумуну таматасы **Рустам Минниханов** сёлешгенди.

Сергей Лавров быйыл РФ-ни Президенти **Владимир Путин** Малайзияда

тарых магъаналы сёлешиу Россейни бла Ислам дуняны араларында байламлыкъланы мурдорун салганды. Ала шёндюно заманны къыйын сорууларына тюз жууапла излер ючюн бирикгенди.

Алай бла 1969 жылда Ислам жаны бла бирге ишлеуно халкъла аралы организациясы къураулыганды, энди анга 57 къырал киреди. Бу жолгу жыйылыуға уа Жууукъ Востоку, Азияны бла Африканы 37 къыралларыны

ПАРЛАМЕНТ

Белгиленген жумушланы толтурууға алланып

КъМР-ни Парламентини башчысы **Татьяна Егорова** президиумну кезиулю жыйылыуун бардырганды.

Депутатла Парламентни кезиулю жыйылыуун 23 мартда бардырыуға келишгенди.

РФ-ни Президенти **Владимир Путин**ни Россейни Федерал Жыйылыууна 2023 жылда 21 февральда этген Посланиясында белгиленген жумушланы толтурууу КъМР-ни Парламентини планын хазырлагандыла. Контроль эм регламент жаны бла комитетге кёргозюлген башламчылыкъланы бла тюзетиулен эсге алып, аны жангыдан сюзерге эмда пленар жыйылыууға кёргозюрге буурулганды.

Президиумну келечилери федерал законлагъа тюзетиулен уллу бёлюмюне къарагандыла. Ол санда «РФ-де жер-жерли самоуправление органланы къурауу битеулю принциптерини



юсюнден» 293721-8 номерли федерал законга тюрленуле сюзюлгенди. Анда сёз жаш тёлю политиканы хайырлылыгын игилендируно юсюнден барады.

Энчи сакъланган табийгъат жерлени, дарман-

ланы сатуу-алууно юсюнден федерал законлагъа проектлерине да къаралганды. РФ-ни башха регионларын-дан законодательный башламчылыкъла да тинтилгенди.

Депутатла тюрлю-тюр-

лю бёлюмде жетишимле болдурганланы КъМР-ни Парламентини Сыйлы грамотасы бла сауыгулауно юсюнден оноуну къабыл кёргенди.

КъМР-ни Парламентини пресс-службасы.

АКЦИЯ

Кёл кётюрген сёзле эм суратла

Къабарты-Малкъарны сабийлери юйлеринден узакъда аскер борчларын толтурган росгвардиячылааписьмола жазгандыла.

Республиканы право низамны сакълауу органларыны къулукчуларыны сабийлери «Аскерчиге къагъыт» деген акцияға къатышхандыла. Андан сора да, аланы кёллендирича суратла ишлеп ийгенди. Алада сабийле аскерчилени жигитликлерин эм кишиликлерин кёргозюрге кюрешгенди. Битеу письмола Къабарты-Малкъарны

Росгвардиясыны управлениясына жиберилгенди, андан ала аскерчилеге тапдырыллыкъдыла.

– Быллай письмола солдатланы кёллерин кётюредиле, ол а къазауатда кеслерини борчларын толтура турган аскерчилеге кюч береде, – деп чертгенди майор **Залим Кафоев**.

ХОЛАМХАНЛАНЫ Алина.



Документле

Тамата тёлге болушлукъға битеуреспубликалы субботникни бардырыуно юсюнден Къабарты-Малкъар Республиканы Правительствосуну

БЕГИМИ

2023 жыл 3 март
Нальчик шахар №34-ПП

1941-1945 жыллада Уллу Ата журт урушну инвалидлерин бла ол къазауатха къатышханланы эмда ёлген аскерчилени юй бийчелерини социал болумларын игилендирип, алаға къошакъ социал болушлукъ тапдырып муратда Къабарты-Малкъар Республиканы Правительствосу бегим этеди:

1. Урушну, урунууно, Сауутланган Кючлени бла право низамны сакълауу органланы ветеранларыны (пенсиячыларыны) Къабарты-Малкъар республикалы жамауат организациясыны, «Къабарты-Малкъар Республиканы профсоюз организацияларыны биригиуно» союзу башламчылыкъларын дурус кёрюп, 2023 жылда 25 мартда тамата тёлге болушлукъға битеуреспубликалы субботник бардырыуға.

2. Къабарты-Малкъар Республиканы толтурууу къырал власть органларына, муниципал районланы бла шахар округланы жер-жерли администрацияларына, битеу организациялаға тамата тёлге болушлукъға битеуреспубликалы субботникге къатышыуға эмда биркюнлюк иш хакъны ол жумушха деп ётдюрюрге кереклисин эсерттирге.

3. Тамата тёлге болушлукъға деп бардырылган битеуреспубликалы субботникге къатышханла кеслери ыразылыкълары бла жандауурлукъ халда берген ахчаны 0310064300000010400 сётха («Россей Федерацияны бюджет системасыны битеу тюрлюлерини араларында Федерал казначействону органлары юлешген айдала») 961 1 17 05020 02 0000 180 код бла («Россей Федерацияны субъектлерини бюджетлерини налогладан башха жерледен тюшген айдала») ётдюрюрге.

4. Къабарты-Малкъар Республиканы Уруну эмда социал къоруулау министрствосу, Къабарты-Малкъар Республиканы Финанса министрствосу субботникни фондуна ётдюрюлген ахчаны бу жумушлагъа къоратырға керекдиле:

2023 жылда 9 майға дери 1941-1945 жыллада Уллу Ата журт урушну инвалидлерине бла ол къазауатха къатышханлаға эмда ёлген аскерчилени юй бийчелерине жыл сайын берилиучю ахча болушлукъну 75,0 минг сом ёлчемде тёлерге;

2023 жылны ахырына дери, муниципал районланы бла шахар округланы жер-жерли администрациялары эмда ветеранланы шахар (район) советлери бла келишип, жашау журтларына ремонт этилирге керекли 1941-1945 жыллада Уллу Ата журт урушну инвалидлерине бла ол къазауатха къатышханлаға эмда ёлген аскерчилени юй бийчелерине ахча болушлукъ берирге.

5. Къабарты-Малкъар Республиканы Маданият министрствосуна тамата тёлге болушлукъ этер муратда къураулан субботник къалай бардырылганыны эмда аны эсеплерини юсюнден республикалы басма органлада билдирип турууно жалчытырға.

6. Бу бегимни толтурулганына къаруно Къабарты-Малкъар Республиканы Правительствосуну Председателини орунбасары **М.Б. Хубиевни** боюнуна салырға.

Къабарты-Малкъар Республиканы Правительствосуну Председатели МУСУКЛАНЫ А.

КЕНГЕШ

Къырал программала бюджетни онгларына келиширикдиле

КъМР-ни Правительствосуну кезиулу кенгешинде жыйырмагъа жууукъ бегимни эмда буйрукъну проектлери сюзюлгендиле. Аны Правительствону Председатели Мусукланы Алий бардырганды.

Талай замандан малланы жайлыкълагъа чыгъаруу кезиу башланырыкъды. Республикада мюлкени анга хазыраууну, продукцияны чыгъарууну кѳбейтиуну, жайлыкъланы онгларын толуракъ хайырланууну юсюнден жер эмда ырыскы бла байламлы халланы министри **Аслан Тохов** айтханды. Ол Хаймашада ишлериклени, торлю-торлю ведомстволаны, ветеринар службаны эмда МВД-ны араларында байламлыкъла къурауну юсюнден бегимни проектин туура этгенди.

КъМР-ни Башчысы **Казбек Коков** быйыл биринчи февральда РФ-ни Финансла министрствосу бла келишимге къол салган эди. Анда бизни республиканы социал-экономика жаны бла айнтыууну, финансла бла халны игилендириуну юсюнден айтылады. Энди уа анга кѳре тамамланлыкъ жумушлары планы («жол картасы») жарашдырылады. КъМР-ни финансла министри **Елена Лисун** билдиргенча, аны келир айны ючюнчюсуне дери къабыл этерге керекди. Анда Къабарты-Малкъарны бириккен бюджетини эмда республиканы бюджет эмда автоном учрежденияларыны 2023-2025 жылланы чеклеринде кредит борчларын жабаргъа кереклисини (неда аланы къайтарыу болжалларын тюрлендириуну) юсюнден айтылады. Тийишли федерал программада аллай борчну ѳлчеме да тохташдырылады. Бизни республикагъа ол 2023-2024 жыллагъа 0,3 проценти, 2025 жылгъа уа – 0,2 процент.

Министр айтханын дурус кѳргенден сора, **Мусукланы Алий**: «Къабарты-Малкъарны аллай борчу жокъду. Бу проект а, аллай зат мындан арысында да болмазча жа-



рашдырылганды», – деп къошханды.

Экономиканы айнтыуу министри **Рахайланы Борис** бир бири ызындан юч проектни кѳргюзтгенди. Экинсине «Экономикалы айнтыуу эмда инновациялы экономика» эм «Информациялы жамауат» республикалы программа-лагъа тюрлениуле кийириуну юсюнден айтылады. Ала Къабарты-Малкъарны бюджетни онгларына келиширча этилгендиле. Биринчисини 2023-2025 жыллагъа белгиленген, экинчисини уа быйылгъа талай кѳрюмдюлери да тюрлендирилгендиле.

Рахай улу дагъыда КъМР-ни Правительствосуну талай актларына тюрлениуле кийириуну юсюнден къысха айтханды.

Республиканы бюджетинден муниципалитетленикилеге быйыл субсидияла къалай берилликлерин къурулуш эмда жашау журт-коммунал мюлк министр **Алим Бербеков** туура этгенди. Сѳз суу бла жалчытуу эмда канализация объектлени проект-смета документацияларын жарашды-

рыргъа этиллик къоранчланы юсюнден барады. Министр билдиргенча, ол жумушлагъа быйыл 10,5 миллион сом бѳлюнорюкдю. Муниципалитетле уа кеслеринден 3,5 миллион сом къошаргъа керек боллукъдула. Этиллик ишле уа быладыла: Прохладный шахар округда эмда Залуюккоже элде тазалауу объектоле жангыртуу, Терек шахар округда аллай объектни эмда канализацияны тап халгъа келтириу.

Табийгат байлыкъла эмда экология министр **Шауаланы Илияс**, транспорт эмда жол мюлк министрни къулулгъун толтургъан **Улбашланы Ислам** эмда саурукъ сакълау министрни орунбасары **Иттииланы Лариса**, «Агъач мюлкню айнтыуу» эмда «КъМР-де тѳгерекдеги къудуретни сакълау, табийгат байлыкъланы хайырлануу эмда жангыртуу», «КъМР-де транспорт системаны айнтыуу» эмда «КъМР-де саурукъ сакълау системаны айнтыуу» къырал программа-лагъа тюрлениуле кийириуну юсюнден къысха айтхандыла. Ол бары да республиканы

бюджетини онгларына келиширча этилгенди. Ислам Хусейнович шахар округда эмда элде орамлагъа къараргъа деп республиканы бюджетинден субсидияла беруу жорукъну юсюнден да сагъынганды.

Иели билим беруу организацияланы республиканы бюджетинден субсидияла бла онгдуруу жорукълагъа аз тюрлениуле кийирирге оную этилгенни юсюнден **Анзор Езаов** билдиргенди. Сѳз анда иш хакъгъа, сора дагъыда китлапа, оюнга, илляция, билим беруу пособияла эмда башха затла сатып алыргъа этилген къоранчланы бир кесегин жабыуну юсюнден барады. Меямланы жумушларына къарау неда коммунал жумушлары багъаларын тѳлеу а ары кирмейдиле.

«КъМР-де туризм-рекреация комплексни айнтыуу» къырал программа да бюджетни онгларына келиширча тюрлендирилгенди. Аны юсюнден курортла эмда туризм министрни орунбасары **Шауаланы Ислам** билдиргенди. Ол кѳргюзтген проек-

тде дагъыда «Чирик кѳлле» туризм-рекреация комплексни айнтыууну юсюнден да айтыла эди. Анга кѳре огъары эмда тѳбен кѳллени, сора дагъыда аланы къатларында тийрелени мастер-планларын, планировкаларын эмда чеклерин тохташдыруу ишле бардырыргъа умут этиледи. Ол ишле уа онеки миллион сом керек боллукъду.

Урунуу эмда социал къоруула министрни орунбасары **Елена Романова**, къырал къуллукъчуланы айлыкъларын тергеу жорукъланы жагы федерал жорукълагъа кѳре тийиширирге керек боллукъун билдиргенди. Дагъыда кѳп фатарлы юйледе жашагъан инсанлары талай категорияларына ахча компенсация беруу низамгъа да тюрлениуле кийирилгенни юсюнден айтханды. Сѳз мында аллай юйно битеулю мюлкюне тынгылы ремонт этиуге жыйылган тѳлеуну юсюнден барады. Аны неда коммунал жумушла ючюн борчлары болганлагъа аллай компенсация бериллик туйюлдо. Тѳлеулерин болжалгъа салып тургъанлары юсюнден билдириуну уа министрство «ЖКХ» къырал системадан аллыккъды.

Кенгешде дагъыда Жер эмда ырыскы бла байламлы халланы, Культура министрстволаны коллегияларыны, Миллетлени ишлери эмда жамауат проекте жаны бла министрствону уа ведомстволары комиссиясыны къауумларына тюрлениуле кийирилгендиле. Тийишли проектлерин ол министрстволаны башчылары **Аслан Тохов**, **Мухадин Кумахов** эм **Анзор Курашинов** чыгъаргъан эдиле сюзюуге.

УЛБАШЛАНЫ Мурат.




Аны бетинден жарыкълыгы таймайды

Быйыл Устазны бла насийхатчыны жылы болганы бла байламлы сабийлени окутуугъа бла юйретиуге къыйын салган адамланы уллу хурмет бла сагынганлай турабыз. Бюгюн окуучуларыбызны жашауун устазлыкъ бла байламлы этген бызынгылы къызыбыз Аттоланы Каира бла шагъырей этерге сюеме.

бла юйор къурап, Тырныаузгъа кѳчедиле. 2000 жылдан бери ма анда 6-чы номерли школда ишлеп турады.

Аны бетинден жарыкълыгы таймайды. Тубесенг, андан келген нюрюн кѳресе, ол юйрегинге жарыкъ сезим келтиредди. Каираны юсюнден биргесине ишлегенле, окутхан сабийлерин, ата-анала да ариу айтдыла. Аны айырмалы ишин районну эм школну таматалары да махтауу бла белгилейдиле. Элбрус районну билим беруу бѳлюмюню таматасыны орунбасары, Ахкѳбеланы Къайтмырзаны къызы Жансуратны айтханын юлгоге келтирсек да, тамам сунама.

– Каира да, мен да узакъ туа элден – Бызынгъдан – Тырныаузгъа тышгенбиз. Мында бир элим деп, бек



кѳлленеме эмда аламат адам болганы бла ѳхтемленеме. Аны арабызда махтасала, «Башха торлю болургъа амалы да жокъ эди, ол аламат атаны бла аяны къолунда

ѳсенди», – деучюме. Ол кеси окутхан сабийлени жетишимлерине къууанады. Хар бирине юйреге бла къайгырады. Къадарлары иги болсала сюеди. «Устаз, дерсин билип, иги окутхандан тышында да, кеси юлголю болургъа керекди», – дейди эмда ол жорукъгъа табынады, – дейди Жансурат.

Каираны дагъыда бир жашау жоругъу – устаз, замандан артка къалмай, бир атлам алгъаракъ барыргъа керекди. Ол да тюздю, нек дегенде сабийлени соруулары кѳп болуучудула, устаз алагъа жууаппаргъа борчлуду. Ол себепден жагы китап, журнал, газет да дайым окугъанлай турады.

Анга окуучулары аны ючюн ыразыдыла. Окууларын бо-

шап, бирер жерде орналсала да, устазлары бла байламлыкъланы тас этмейдиле. «Ол заманда къыйыныбыз зыраф болмагъанды деп, бюгюнде къуанама. Ол байламлыкъланы мен сезгенлей турама. Тышына кетип ишлеген, жашагъан сабийлени ата-аналарына тубесенг, ала да жорек ыразылыкъларын билдирселе, бек хычууну кѳрюнеди», – дейди Каира.

Ол баш иеси Зейдуллах бла эки сабий ѳсдюредиле. Бек баш жорукъгъа таулу намысадетни санап, аны аланы актыларына сингдирирге этинедиле. Къызлары Оксана Къабарты-Малкъар къырал университетни медицина бѳлюмю къызыл диплом бла бошاپ, Москвада ординатурадан ѳтгенди. Бусагъатда ара шахарны Перинатал арасында неонатолог-реаниматолог болуп ишлейди. Жашлары Камил Владикавказда Тау-металлургия институту бошاپ, устазлыгы бла Северде урунады.

ШАУАЛАНЫ Разият.

Каираны тамата эгечи Зухура бла уа бек татлы тенгле болуп къошулукъда жашагъанбыз. Жюрек тазалыкъ, тюз ниетлилик ата-анадан къан бла сингген эди алагъа. Зухура да кѳп жылланы Бедикде жашап, школда ишлеп тургъанды, ызы бла Кенжеге юйорюу бла кѳчюп, анда 20-чы номерли школда малкъар тилден бла адабиятдан дерсле берип тургъан эди. Алай ол арабыздан замансыз кетгенди. Аны элде жашагъанла бюгюн да унутмайдыла.

Каира да талай жылны Бызынгыны школунда ишлеп тургъанды, окууун бошагъандан сора, Шауаланы Зейдуллах

Эсепле чыгырыу

Бу күнледе КъМР-ни Жаш тёлню ишлери жаны бла министрствосунда жыйлыу болганды. Аны ишине КъМР-ни Правительствосуну Председатели орунбасары Марат Хубиев, КъМР-ни Парламентини Билим бериу, илму эмда жаш тёлню ишлери жаны бла комитетини таматасы Нина Емузова, тийишли министрстволаны бла ведомстволаны, окъуу юйлени келечилери, районлада, шахарлада, элдеде жаш тёлню биригиулени башчылары да кьатышхандыла.



«Изи кесек иш тамамланганды, алай аны бла чекленирча туюлбюз»

Жыйылууда министерство 2022 жылда тамамлаган ишлени эсеплери чыгарылгандыла 2023 жылга борчла белгиленгенди. Аланы юсюнден министр Азамат Люев бирдириу этгенди. Ол бу министерство кьуралгынчы жаш тёлню бла байламлы ишле ючюн КъМР-ни Билим бериу, илму эмда жаш тёлню ишлери жаны бла министерство жууаплы болганын эсге салып, бюгюнлюке бардырылган жумушланы асламысы ол заманда кьуралгынчыларын чертгенди.

– Министерство 2022 жылны сентябрь айында кьуралганды. Жети

Скадовск районуна жиберилгенди. Жылны ахырында уа минген артык волонтерну бириктирген республикалы форум кесини ишин бардырганды. Жаш тёлню министерство, республиканы 100-жыллыгы бла байламлы ишлеге да тири кьатыша, тюрлю-тюрлю фестивалыла кьураганды.

Жаш тёлню биригиулеге эмда жамауат организациялага, бютюнда бег а мектепкеге эмда энчи усталык бериу жаны бла окъуу юйлеге, энчи эс бурулады, аланы башламчылыкларына себеплик этиледди. Анга уа грантла уллу себеплик этедиле. Алай



айны ичинде ишин кьурау жаны бла иги кесек жумуш тамамлаганды. Баш борчубуз – ёсюп келген тёлню инсанлык жууаплылыгынын сезере, Ата журтну сюерча, ниет жаны бла чыныгырча этиуду, билим, маданият жаны бла ёсерине, хунерини айныууна себеп болууду, -дегенди ведомствону таматасы.

Жаш тёлню патриот ниетде юйрету кьалай кьуралганынын юсюнден айта, министр быллай шартла келтиргенди: озган заманы ичинде сабийле эмда жаш тёлню бла битеу билим берген учреждениялада, бийик эмда энчи окъуу юйледе «Донбасс-2022» сурат кермюч, «Биз Кавказ ючюн жаныбызны аямай сюелгенбиз» деген аскер-патриот фестиваль да этгенди. Энци аскер операцияга кьатышханланы сабийлери бла байламлы энчи программа бардырыла турады. 2022 жылны сентябрь айындан башлап «Биз биргебиз» деген штабны иши тюрлендирилгенди. Энци аны баш магъаналы жумушу энчи аскер операцияга кьатышхан аскерчилеге себеплик этиу бла байламлыды.

Дагыда «Сабийни мектепке барырга хазырла» деген жандауурлук марафон кьуралганды. Аны кезиунде минген артык карандаш, кьалам жыйышдырылганды, аладан төрт жюзю Херсон областны

бла былтыр Кьабарты-Малкьардан кьыркь эки проект элли миллион сомдан аслам кьытханды.

Министри оюмуна кёре, жаш тёлню бла ишлеу башха министрствола эмда ведомствола бла кьаты байламлыкьда бардырылырга керекди. Нек дегенде жаш адамла ишлемеген бёлюмле хазна жокьдула. «Бюгюнню жаш тёлню бизни келир заманыбыз болганын унутмазга, аны ючюн биригип ишлерге керекбиз», -дегенди министр.

Андан сора КъМКьАУ-ну юйрету иш жаны бла проректору Ауес Кумыков, КъМР-ни Парламентинде Жаш тёлню палатаны председатели Екатерина Борисевич, «Биринчилини атламары» битеурросей кьымылдауу регион бёлюмюно таматасы Аслан Шипшев, Черек районда жаш тёлню политика жаны бла баш специалист Биттирланы Жамболат да сёлешгенди.

Нина Емузова бла Марат Хубиев оюмларын айтхандыла. Республикада жаш тёлню бла иги кесек иш бардырылганын керюп турганларын айтып, алай аны бла чекленип кьалырга жарамазлыгынын, аны бютюн кючлендирге кереклисин чертгенди.

ХОЛАЛАНЫ Марзият.

Экономика

Сынамларын кёбейте

Кёп болмай РФ-ни Промышленность, энергетика эмда сатыу-алыу министрствосу «Федерал практика» программаны чеклеринде Грозный шахарда Шимал-Кавказ федерал округну келечилерине сынамларын ёсдюрюрге онг бергенди. Кьабарты-Малкьардан анга промышленность, энергетика эмда сатыу-алыу министри Шамиль Ахубеков, экономиканы айнытуу министрине орунбасары Темиркан Баждугов, Гарантия фонду республикада бёлюмюно таматасы Аскер Тхабисимов, экономиканы айнытуу министрствону информация-аналитика бёлюмюно таматасы Фатима Абазова эм башхала кьатышхандыла.

Бу жол ары Донецк бла Луганск халкь республикалары промышленность бёлюмюнде ишлегенле да келгенди.

Ишчи программа сегиз сессиядан кьуралганды. Биринчи күн регион промышленность политика, промышленность инфраструктура, промышленность туризм жаны бла проектле эм Промышленность, энергетика эмда сатыу-алыу министрствону жанындан кьаллай болушлукь этилени сюзюлгенди. Халкьтала аралы кооперация, экспорт жаны бла онгла, стандартизация, техника шартла эм товарланы цифралы маркировкасы дегенча соруулагда да кьуралганды. Экинчи күн а сёз авиация, автомобиль, радиоэлектроника, женгил, химия эм фармацевтика промышленностьну юсюнден барганды.

Юйрениуле регионлада толтуруучу власть органланы келечилерине, промышленность, айнытуу жаны бла институтланы, биригиулени, индустрия эм промышленность технопарклары таматаларына бардырылгандыла. Аны бла бирге ол арада кооперация байламлыкьланы кючлерге да болушады.

Тириликни кьозгьар муратда

Кёп болмай КъМР-де Волонтер кьымылдауу айнытуу жаны бла ресурс арада онбешинчи жаш тёлню бизнес-школу ачылыу болганды. Анга кьатышырга сюйгенлерин жетмишден аслам адам билдирген эдиле. Аны «Иш кёллю Россей» жамауат биригую бёлюмю кьураганды.

Ол күн кьонакьланы санында Монополиялага кьажуу федерал службаны Кьабарты-Малкьарда управленийасы таматасы Анна Кумахова, КъМР-ни Жарыкьландырыу эмда илму министрствосуну билим бериу багьа бичиу, педагоглары усталыкьларын бла квалификацияларын тинтиу учрежденияны таматасыны орунбасары Елена Москаленко, «Иш кёллю Россей» жамауат биригуюу бёлюмюно таматасы Юлия Зотова, аны орунбасары, бизнесни айнытуу жаны бла бёлюмюно эксперти Гузельяны Индира эм башхала болгандыла.

Жаш тёлню бизнес-школ республикада онбешинчи жылны бардырылады. Аны баш магъанасы – жаш тёлню бизнесге туюндорюрге, предпринимательстволукьга юйретге эм иш табарга болушургады.

Былыр проектге тюрлениуле кийрилгенди. Анга кёре, ары 35 жылларында бер инсанлага кьатышырга эркилик бериледи. Ол шарт, жаш адамдан сора да, билимлерин эм сынамларын айнытуу кьыргьа сюйген предпринимательге онг тапдырады.

Бизнес-школда быйыл бла экинчи кере «Чексиз бизнес» социал проект да ишлейди. Аны чеклеринде билимлерин эм сынамларын ёсдюрюрге сюйгенлеге мастер-классла барадыла. Ала, хар замандача, эки айны ичинде солуу кюнледе ётедиле. Курсланы бошаганлага кьыйматлы бизнес-проект кьурауа болушадьла эм жашауда бардырырга онг тапдырылады.

Тизмеде – алчыланы санында

Гитче эм орта предпринимательствону айнытуу жаны бла корпорацияны таматасы Александр Исаевични башчылыгы бла бардырылган кенгешни чеклеринде «Гитче эм орта предпринимательство энчи бир тюрлю иш бла кюрешгенлеге билеклик этиу» миллет проектни регионлада болуму сюзюлгенди.

Кьабарты-Малкьарда бурунгу жылдан бери «Энчи бир тюрлю иш бла кюрешген инсанлага иги болум кьурау», «Ишлерин тынч башларча эм бардырырча болум кьурау» эм «Гитче эм орта предпринимательствону субъектлерине болушлукь тапдырыу» деген юч уллу регион проект бардырылады.

Кьыйматлы программалага кьошулуру ючюн инсанни тийишли даражасы болурга керекди эм бир тюрлю иш бла кюрешгенине налог телерге борчлуду.

Кенгешни ахырында Александр Исаевич, быйыл февральда чыгарылган эсепкеге кёре, миллет проектни бардырыу жаны бла Кьабарты-Малкьар алчы регионланы тизмесинде болганын белгилегенди.

Саулай алып айтханда, республика быйыл миллет проектни бардырырга 191,8 миллион сом чакьлы бёллюкюду.

Сатыу-алыуу айныта

Кёп болмай туюнлей халда Россияны бла Иранны арасында бешинчи регионла аралы кенгеш болганды. Ол сатыу-алыу эм экономика байламлыкьлага жораланганды.

Россейни жанындан анга РФ-ни Экономиканы айнытуу министрине орунбасары Дмитрий Вольвач, Ирандан а ич ишлени министрине орунбасары Кушештабар Мохсен, кьыралланы посоллары, сатыу-алыу эм промышленность палаталаны, власть органланы эм биригиулени келечилери да кьатышхандыла. Ол санда Кьабарты-Малкьардан Экономиканы айнытуу министрствону регион маркетинг эм тыш байламлыкьла жаны бла департаментини таматасы Севиль Богацкая да болганды.

Тубешиуде эки жаны да арада байламлыкьланы айнытырга келишгенди. Анга кёре сатыу-алыу, туризм, илму, маданият, социал бёлюмлеге эм энчи экономика тийреле кьурауа да аслам эс бурулганды.

Эсге сала айтсакь, Кьабарты-Малкьар Иран Республикага жаулу ёсюмле, мирзеу, тахта кёгетле, дарманга, мал ашха, техника жаны бла хайырланьрга жараган битимле сатады. Импортну орунуна уа жемишле, тахта кёгетле, тюрлю-тюрлю кьозла, пластмасс, андан этилген затла эм башха абериле келтириледи.

МАГОМЕТЛАНЫ Сулейман
ХАЗЫРЛАГАНДЫ.

Ёхтемлилик

Жигитлени юлгюлеринде

Атайланы Далхатны жашы Жашарбек бюгонлюкде Саутланган кючлени запасда офицерлерини «Мега-пир» атлы миллет ассоциациясыны Къабарты-Малкъар Республикада бёлюмюне таматалык этеди.

Ол Москвада Ленин атлы аскер-политика академияны бошاپ, алгъа Шимал флотда, ызы бла Бакуда Каспий аскер-тенгиз флотда бардырганды къуллугъын. Киров атлы баш аскер-тенгиз училищеде устазлык этгенди. Совет Союз чачылгандан сора кёп жылланы Къабарты-Малкъар къырал университетде аскер кафедраны башчысыны орунбасары болуп ишлегенди. Запасадагы полковникди Согуугъа кетгенли уа, башында айтылган жамауат иште тохтап, «Наследники Победы» деген эм башха проектке кере, ёсуп келген тёлкюне патриот ниетледе юйретеди. Андан танылдыла аны узак Булунгуну, Кёнделенни, Огъары Малкъарны эм башха элени, шахарлары да школларында.

Ол, 2000 жылда окъуна Россейни кадетлерини битеуроссей къымылдауна къатышып, кадет классланы битеуроссей слётларыны штабыны таматасыны къуллугуна тийишли болуп, школада, орта эм бийик билим берген окъу юйледе жаш адамла бла тюбешиуле бардырып турады. Полковник жангы тёлкюне къыралыбызны жигитлерини юлгюсюнде юйретуи къаллай бир магъаналы болгъанына иш юсюнде тошюнгенди. Аны

башламчылыгы эмда аскер комиссариатыны болушлугу бла алда республикада кадет классла къуралгъан эдиле. Бусагъатла уа школла окъуна бардыла.

Жашарбек назмула жазгъаны бла да белгиледи. 1991 жылда Бакуда аны «Я к тебе подожду» деген лирикалы аты бла биринчи назму китабы чыкъгъан эди. 2015 жылда уа Нальчикде «Тебе одной пишу слова признания» деген назму жыйымдыгы кёргенди дуняны. Офицер поэт «Поэт года 2017», «Поэт года 2019» деген адабият саугъалагъа тийишли болгъанды. Жазычулары Россей союзу аны бусагъатдагы поэзиягъа къошхан юлюшю ючюн «Анна Ахматовага 130 жыл» деген майдал бла къууандырганды.

Алгъаракъда уа Атайланы Жашарбек «О героях нашего времени» деген аты бла жангы китабын басмалагъанды. Ол саулай да Совет Союзну, Россей Федерацияны жигитлерине аталады. Анда Владимир Алимовха, Владимир Шарпатовха, Валерий Куковха, Александр Солуяновха, Аркадий Корольковха, Аубакал Костоевге, Олег Новицкийге, Сергей Ревинге, Игорь эм Евгений Тарелкинге (атасы бла жашы), Евгений Федотов



ха, Евгений Бобровха, Сергей Тулинге, Руслан Кокшинге, Анатолий Копыркинге аталган назмуладан сора да, ол жигитлени жашу жолларыны этген батырлыкларыны юсюнден да айтылады. Ала бла бирге китапха халкъ суйго киноартист Василий Лановой да киргенди, ол Россейни Урунууу Жигитиди.

«**Мегапир**» биригиюню чакъыруу бла Къабарты-Малкъаргъа Россейни жигитлеринден онжети адам келгенди. Алгъаракъда Кёнделенни биринчи школунда болгъанымда, окъуучула: «Бизге афган урушну ветераны лётчик Владимир Шарпатов келип кетгенди», – деп къууанганлары, ёхтемленгенлери эсимдеди. Ол бери Тюменьден келгенин эсге

алсакъ, уллу иш этгенди. Запасадагы подполковник Шарпатов Афганистанда этген жигитликлери ючюн кёргоз-тюлгенди Россей Федерацияны Жигитине. Анда жылдан артыкъ заманны жесирлик сынап, арда бир къауум нёгери бла къачханды. «Кандагар» деген кино аны юсюнденди. Аны жигити Шарпатовну къадарын къатлайды.

Хауа-десант аскерлени генерал-майору, Совет Союзну Жигити Александр Солуянов бла Нальчикде, Терекде, Прохладныйде да болгъандыла тюбешиуле. Ол Афганистанда парашют-десант батальонну командири эди. Батальон анда бир операцияда юч жюз бла жыйырма душманны пленнге алгъанды, аны бла бирге эки жюз бла алтмыш сауут эм юч аш-азыкъ, башха кереклери бла складла къоллу болгъанды. «Совет Союзну Жигити» деген атдан сора да, ол Ленинни, Къызыл Байракъны, Къызыл Жулдузну «Саутланган аскерлени къауумнда Ата журтха къуллукъ этгени ючюн» деген орденлеге, иги кесек майдалгъа да тийишли болгъанды.

Олег Новицкий а лётчик-космонавты. Ол 2016 жылда ноябрден башлап, космосда жюз токъсан алты сутка тургъанды. Экинчи кере уа, 2021 жылда апрельде ачыкъ космосда 22 сагъатдан артыкъны ишлегенди.

Сергей Ревин да космосда

2012 жылда апрельде кетип, жюз бла жыйырма беш суткадан аслам тургъанды.

Евгений Тарелкин да лётчик-космонавты. Ол 2012 жылда октябрьде Халкъла аралы космос станцияны экспедициясында болуп, космосда жюз бла къырк юч суткадан артыкъ учханды. Аны атасы Игорь Тарелкин а учхан техниканы сынау жаны бла къуллукъ этгенди. Ол, самолётладан жюзле бла кере секирип, Атайланы Жашарбекни китабыны жигитлеринден бири болгъанды.

Ол жигитлерин, алда белгиленгенче, республиканы окъуу юйлерине элтип, анда окъуучула бла тюбешдиргени эртте тереге ётгенди. Алай бла ол жаш адамлагъа керти жигитлени къолларын тутаргъа, ала бла кишиликни юсюнден хапар айтыргъа онг береди.

Ата журтну сюерге юйретгенден сора да, быллай тюбешиуле жаш адамланы аскер усталыкылагъа сейирлерин да къозгъайдыла. Бу къыйын эм жууаплы ишни устазланы боюнларына атып къоймай, быллай даражалары журюген адамла кеси боюнларына алгъанлар уа керти да уллу ыспас этерча ишди. Ата журтубузну къоруулачуланы жигитлени юлгюлеринде ёсдюрюне не заманда да бек магъаналы борч болгъанды. Бюгон да алайлай къалады.

МУСУКАЛАНЫ Сакинат.

Бизге жазадыла

Батырлыгы, жигерлиги бла да айырмалы аппам

Бу хапарымда да аллай бир адамны юсюнден хапарларга излейме. Ол мени аппамды – Уяналаны Акъбашны жашы Юсюп. 1920 жылда 5 июньда Огъары Малкъарда Шауурдатта туугъанды. Акъбаш юйдегиси Саният бла тёрт къыз, эки жаш ёсдюргендиле: Топпан, Кезий, Жумарукъ, Елизавета, Юсюп, Хаджи-Мурат.

Юсюп урушну аллында жыллада жети классны таусханды. Ол заманда ол уллу билим эди. Колхозланы къуралгъан кезиулер. Иш кёп. Жаш не ишни буюрсала да, эте тургъанды. Ара молкде ишленгенли къолайлары да ёсе баргъанды. Юсюпню комсомолгъа да аладыла.

Алай Уллу Ата журт уруш башлангыч, сентябрьде Огъары Малкъардан кёп жаш кетген эди къазауатха. Юсюп да ол санда. Битеу эл, жууукъ-ахлу, чыкъгъан эди аланы ашырыргъа. Ол кюн атасы айтхан насийхат сёзлени жаш хар заманда эсинде тутханды. «Жашым, бир затдан къоркъма. Таулу болгъанынгы эсинде тут. Ата журтунг ючюн къаты сермеш», – деген эди акъсакъл.

Къ азауатха жиберген жашланы алгъа Ростовха элтип, къауум заманы анда уруш этерге юйретгендиле. Андан сора ашыргандыла фронтха.

Хурметли редакция, мен Къашхатаудан «Заманны» дайым окъуучусу Жаболаны Марзиятма. Ёз тилибизде чыкъгъан жангыз газетибизни бетлеринде кёп ахшы, юлгюге тийишли адамларыбызны юслеринден хапарла биле турама. Бек къууанама алагъа, аладыла миллетни атын иги бла айтдыргъанла.

Юсюп тасхачыланы бёлюмюне тюшгенди. Анда командирлери не къыйын жерлеге да аны жиберип тургъанды.

Бир жол, нёгер да берип, бир жесир тутуп кел деп жибереди. Уяна улу нёгери бла тургъан жерлеринден бир аз арлакъ кёлгенлей, немис самолетла жетип, бомбала атып тебирейдиле. Болгъанын от бла къара откюн басады.

Алайда болгъан аскерчилеарибизден жаланда Юсюп бла аны биргесине баргъан нёгери сау къаладыла. Таулу жашны жан сюегине окъ тийип, бир жанындан бирси жанына чыкъгъан эди. Алай болгъанлыкыгъа, ол сермешни ахырына дери къазауат этгенлей тургъанды.

Ардада уа экисин башха аскер бёлюмге кёчюредиле. Бу жол



жауу аскерни санында къазауат этедиле. «Бизникеле артха ыхтырылгъанда, Дон сууну юсю бла ётерге тюшеди. Уллу, терен суу. Къыйыкъла жетишмейдиде, солдатланы кёбюсю уа жюзе билмейдиде. Болсада, жесирге тюшгенден эсе деп, кеслерин суугъа атадыла. Кёлпени Дон суу жутхан эди», – деп, эсгеруочю эди ол кюнлени Юсюп.

Къазауатны кезиуонде ачлыктыны, суукулукъну да сынай келгенди ол. Бирде уа тобукълагъа дери балчыкъны жырпып да чыгаргъа тюшгенди, пулемётну да сыртына кётюрюп.

Бирде автоматдан, пулемётдан атдырып уруш эте эди. Керек болгъанда, жаралы солдатланы сермеш баргъан жерледен чыгаргъанды. Топ-

чулагъа снаряда ташыргъа да тюшенди.

Атышуладан биринде, къатында топ атылып, эси аууп, къауум нёгери бла жесирге тюшгенди. Быланы къолгъа этгенле италиялыла болгъандыла. Ала уа, немислелече, къаты туююл эдиле. Тутулгъанлагъа бир аз женгиликке болгъандыла. Аллай кезиуленден биринде Юсюп нёгери бла къачадыла. Кече келе, кюндюз бугъа, къалын агъачланы, терен къамишли кёллени ётюп, къауум кюнден кесибизникелеге чыгъадыла.

Быланы анда бир аз тингенден сора, миномётчулагъа къошадыла. Аланы санында Юсюп уруш этип тебирейди. 1943 жылда Харьков тийресинде бардырылган сермешленден биринде ауур жаралы болады – атылган топну темир сыныгы бутун чачдырады.

Анга госпитальда жатаргъа тюшеди. Докторла чачдырылгъан сюеклени бирге жыаргъа кюрешгендиле, болсада ол жарала аны ахыр кюнине дери къыйнагъанлай тургъандыла.

Андан къайтхандан сора колхозну Бажыган жайлыгында малларына къарагъанды. Ол а Къалмукъну тийресиндеди. Халкъ Азиягъа кёчюрюлгенини юсюнден хапары болмай тургъанды.

Къауум нёгери бла элинне келгенлей, быланы Орта Азиягъа ашырадыла. Юсюп Туркестаннга тюшеди. Анда тели ауурдан кёп къыйналады. Ёлдоу-кетди деген чекге жетип, юч ай больницада тургъанды. Иги болгъандан сора, излей кетип, жууукъларын Къазахстан жанында табып, ары кетеди.

Анда Горбежиге ишге кирип, жангы усталыкъгъа да юйренеди. 1948 жылда уа Биттуулары Хамзатны къызы Фатимат бла юйор къурайды. Жети сабий ёсдюргендиле ала, къызла: Любовь, Зоя, Роза, Халимат, жашла: Магомед, Мустафа, Зулкарний.

Азиздан къайтхандан сора Юсюп юйору бла туугъан эли Малкъарда тохтады. Колхозда ишлейди. Малчы, комбайнчы, терек бахчылары бригадирлери болуп тургъанды.

Жыл саны келгенде уа юйде жумуш тындыргъанды. Сабийлерине уа хар заманда да: «Ишни сюйюгюз, иш кёллю болуугуз», – дегенлей тургъанды.

Урушда, урунууда да жигитликлери, ахшы кёрюмдюлери ючюн кёп кере саугъаланганды. Кеси уа 2007 жылда дуниядан кетгенди.

ЖАБОЛАНЫ Марзият, Къашхатау эл.

Эсгергү

Малкър миллетни бушу кюнине жораланып республиканы жер-жерлеринде көп тюрлю ишле бардырылгандыла. Кенже элли жамауаты, школчула да аллай жыйылыу ётдюргендиле. Аны элли администрациясы кыраганды.

Ол шургулу жылланы эсге тюшюре, Маданият юйге жыйылгъанлагъа элде эрттеден бери жашагъан Деваланы Рамазан адамларыбызны Къзахстанды бла Орта Азияны кыумлу



Бирликни, шүёхлукъну да белгиси



аулакъларында къаллай кыйынлыкъла сынагъанларыны юсюнден халар айтханды. Анга тынгылагъанладан кёле кёз жашларын тыялмай эдиле. Сабийле окъуна шох болгъан эдиле.

Заман кёп озгъан эсе да, жорек жара у сау болмайды деп, бошдан айтыла болмаз. Анга бюгюн бу жамауатны мудахлыгы да шагъатлыкъ этеди. Хар бири кеси къадаарын эсге тюшюре болур эди. Алай халкыбыз чыдаагъанды, миллетлигин тас этмегенди. Кыйынлыкъны кёторе билиу да акъыллылыкъны шартыды. Ызы бла жыйылгъанла «До-

рога на край жизни» деген фильмге къарагъандыла. Бу кино халкыны туугъан жеринден зор бла кёчюрюлген кюнден башлап, бери, Кавказгъа кыйаитхынчы къадаарын кёргозтеди. Анга тюрлю-тюрлю миллетлени адамлары мудах болуп къарай эдиле. Ол бошалгъандан сора, элли акъсакълларыны советини таматасы Мухаммед Ивазов, аны экинчиси Эдуард Степанов, Маданият юйно таматасы Хафисат Мамиева, аны орунбасары Людмила Балова сёлешгендиле. Ала бу элли жамауаты, миллет айырылыу болмай, кыуанчны, бушууну

да бирге ётдюргенлерин чертгендиле, мындан арысында да башха тюрлю болур амалы жокъду дегендиле.

Людмила Балова уа былай айтханды: «Бу элли бир инсаныма, кёп жылланы школда ишлеп тургъанма, малкър миллетни жамауатына бек ыразыма, огурлу, тёзюмлю, кеси кыйынлары бла урунган ала-мат адамласыз. Кыйынлыкъ сынагъан эсегиз да, мындан арысында кёп игилик, насып кёргою! Малкър алгъа баргъан болмаса, кишиден арта къалмайды».

Ол Шауаланы Аминатны юлгюге келтиргенди: «Анча жылны жашайбыз, аны тамата эгечибизнича сюебиз. Аминатха аны адамлыгы, тюз ниетлиги ючюн эллиле уллу хурмет береди. Аллай адамларыбыз болгъан къадаарда миллет айырылукъ боллукъ тийлюдю», – дегенди Люда.

Талай жылны бу элде аны таматасы Пшеноков Олегни буйругуу бла 8 мартда малкър миллетни кёчюнчюлюкде азап чеккенлени эсгергю кюнюн бушууча, 28 мартны да кыуанч болла белгилейдиле. Ол а тюрлю-тюрлю миллетлени келечилерини жарашып, бир бирге билеклик этип жашагъанларыны юлгюсюдю.

ШАУАЛАНЫ Разият.

Хурметлеу

Акъылманнга жоралап

Бу кюнде Май району Ново-Ивановское элинде 7-чи номерли лицейде белгили акъылман эмда устаз Дмитрий Ушинскийни 200-жыллыгъын белгилегендиле. Анга жораланган кыуанчлы жыйылыугъа КъМР-ни Парламентини Билим бериу, илму эмда жаш тёлюню ишлери жаны бла комитетини таматасы Нина Емузова, КъМР-ни жарыкъландыруу эмда илму министри Анзор Езаов, Май району администрациясыны башчысы Татьяна Саенко эмда республикада болгъан битеу билим берген учреждение келечилери да кыатышхандыла.

Ары Черек райондан да бир кыуум адам баргъанды. Алагъа район администрациясыны билим бериу управлениясыны таматасыны кыуллугъун толтургъан Жуболаны Марина башчылыкъ этгенди.

Къонакълагъа энчи юч сурат кёрмючюнда да кёргозгендиле. Анча Май району окъуу юйлеринде ишлеген



устазланы жетишимлери эмда ала тапхан эрттеги затла бар эдиле.

Билим бериуде кёп жылланы бет жарыкълы ишлегенлери эмда ёсюп келген тёлюню юйретиуге, окъутуугъа уллу кыйын салгъанлары ючюн бир кыуум устазгъа КъМР-ни Жарыкъландыруу эмда илму министерствосуну сыйлы грамоталары берилгендиле. Алагъа тийишли болгъанлары араларында Огъары

Жемталаны А.Р. Чубаковну атын жюрютген мектепде устаз-психолог болуп ишлеген Жангоразланы Лейля Абдуллаевна да барды.

Лейля не заманда да ишини уллу жууаплыкълыкъ бла кыарагъанды. Ол окъуучуларыны, башха усталаны араларында да намысы бийикде жюрюген адамды.

ХОЛАЛАНЫ Марзият. СУРАТДА: саугъаланганла.

Карате

Биринчиликини ычхындырмагъандыла

Нальчикде каратени зендокай будо тюрлюсюнден СКФО-ну бла ЮФО-ну чемпионаты эм би-

Алихан, Кючмезланы Айдар кытыхандыла. Экинчи жерлеге Балаланы Илияс, Бачийланы



ринчилиги бардырылгандыла, алагъа эки округдан да аслам спортчу кыатышхандыла.

Анда «Эльбрус» клубдан кеслерини ауурлукъ кыауумларында алтын майдаланы Шахмырзаланы Тамерлан, Отарланы Алан бла Алихан, Гочаланы Кязим, Бёзюланы

Алан бла Гыллыланы Азрет чыккыгъандыла. Нёгерланы Алихан, Джангуразланы Амир ючюнчюле болгъандыла.

Жаш спортчуланы тренерле Жантуудланы Азамат бла Жаникаланы Аслан юйретедиле.

КУЛЬЧАЛАНЫ Зульфия.

УФСБ

Ууну сатханына ишеклик барды

Наркотиклени законсуз сатыу-алыууну тохтатыууа бурулгъан жумушланы кезиунде РФ-ни ФСБ-сыны КъМР-де Управлениясыны келечилери, полициячыла бла бирге, ведомстводан тышында кыалауурланы Эльбрус районда бёлюмюню кыуллукъчусу ууну сатыууа кыатышханын тохташдыргъандыла, деп билдиргендиле бизге УФСБ-ны пресс-службасындан.

РФ-ни СК-сыны КъМР-де

следствие управлениясы бу шартла бла байламлы РФ-ни УК-сыны 228-чи статьясыны 1-чи кесегине эмда 234-чю статьясыны 3-чю кесегине кёре терслеу материалла ачхандыла. Законнга тийишлиликде, былай аманлыкъ этгенни эркиниге сегиз жылгъа дери сыйырылыргъа боллукъду.

ТИКАЛАНЫ Фатима хазырагъанды.

Жарсыу



Гижгитде кыйын болумну сылтаулары тинтиледиле

Къабарты-Малкърда ичинде адамлары бла машина кёлге кетгенди. Кыйын болумну сылтаулары тинтиле турадыла.

6 мартда сагъат 11-де Кисловодск шахардан 30-жыллыкъ эр киши «Toyota Land Cruiser Prado» машинада Эльбрус районну Быллым элинде тёркерге кыарау майдандан чыгъа келгенлей, машинаны жюрюталмай, 150 метр бийикликден Гижгит кёлге кетгенди. Машинада Свердловск областдан 47-жыллыкъ тишириу эм Архангельск шахардан 49-жыллыкъ эр киши болгъандыла. Ала ауур жаралы болуп ёлгендиле.

Водитель бла Свердловск областдан 23-жыллыкъ тишириу а больницагъа тапдырылгандыла. Москва ша-

хардан 50-жыллыкъ эр киши бла 45-жыллыкъ тишириу ачымагъандыла.

Болумну сылтаулары тохташдырыла турадыла. Россейни МВД-сыны Эльбрус районда бёлюмюню буйругуу бла автотехника эмда сюд-медицина тинтиуле бардырыладыла. Алары эсеплерине кёре этиликди ахыр ону, деп билдиредиле КъМР-де МВД-ны пресс-службасындан.

Бу болумну тинтиуну Къабарты-Малкър Республиканы прокуратурасы да кёлгъа алгъанды. Право низамны сакълануу органла байламлыкъда ишлер ючюн, ары Эльбрус районну прокурору Мокъваланы Сослан баргъанды.

ХОЛАМХАНЛАНЫ Алина.

Юйюп



Хычыуун такыйкыала

Туудукъланы араларында олтурган киши Атабийланы Азретни жашы Сагъытды, «Заман» газетибизни дайым окуучусу. Бююнлюкте ол Нальчик шахарда жашайды.

Механик, электик усталыкълары барды. «Аушигер» совхозда баш инженер, МВД-ны капитал кырулуш бёлюмюню кыулукчу болуп, дагыда тюрлю-тюрлю жерледе ишлегенди.

Бююнлюкте да бош турмайды, женгил машиналагъа ремонт этеди.


Юй бийчеси Горойланы Фатима бла эки кыз ёсдюргендиле. Ала да юйдегили болгандыла. Сагъытны алты туудугу барды. Ала барысы да огурулу аппаларын бек сюедиле. Ол биргелерине болган кезиу алагъа уллу кыуанчды, байрамды.

ОСМАНЛАНЫ Хыйса.

СЁЗБЕР

ЭНИНЕ: 5. Тукъумну, халкыны да болады, алгын бизни кыралда ол кызыл эди. 6. Тайны анасы. 9. Бийни юйдегиси. 10. Тахир бла ... 11. Жер жююнню сууукъ жаны. 12. Сют ичген кыозу. 16. Къара апач. 18. Жаз башында жауган кыар. 19. Нарт батыр. 20. Элни адамы. 21. Уруш сермеш. 22. Немисли игги. 25. Ол, къанатлыда болганылыкыга, кимге да керекди. 30. Атны, эшекни жиби. 31. Окъуу жерде аладыла аны. 32. Жууукъ. 33. Халкъ жыйылуучу кенг жер. 34. Тылы аш.

ЁРЕСИНЕ: 1. Жауундан сора жер. 2. Эрттенни бла тышно арасы заман. 3. Зат. 4. Кийик сарымсах. 7. Атылган сауут. 8. Таулада душмандан кырууларга ишленген мекам. 13. Таулу календарь. 14. Тюрлерни тешик болган, учагъан уучу чарыкыла. 15. Ораза ай. 17. Алтын табылган узакъ шахар. 23. Тюкенлени атларын жарытхан газ. 24. Кырал тамата. 26. Хакасияны ара шахары. 27. «Иги» деген сёзю магъанасында келген башха сёз. 28. Неяхсыз туугъан. 29. Сынарга боллукъ зат.



Газетни 25-чи номеринде басмаланган сёзберни жууаплары:

ЭНИНЕ: 2. Халимат. 7. Сатанай. 8. Нина. 9. Светлана. 13. Голханый. 15. Танзиля. 17. Шамданий. 18. Зурап. 19. Миналдан.

ЁРЕСИНЕ: 1. Маржан. 3. Аминат. 4. Баппахан. 5. Шамса. 6. Чечек. 10. Айгюл. 11. Фатима. 12. Жансюер. 13. Галина. 14. Фазика. 16. Байрым.

Соруду

Ахчанг кёп болса не этерик эдинг?

Жарсыугъамы, насыпхамы, билмейме, алай бусагъатдагы жашауда ахча бютюн аслам жерни алады, деригим келеди. Болсада анга уллу магъана бермегенле да бардыла. Бирле уа насыпларын ахчада кёредиле. Аны юсюнден окуучуларыбызны оюмларын билер муратда алагъа «Ахчанг кёп болса не этерик эдинг?» – деген соруду бергенбиз. Анга жууаплагъанлары жыл санларына да чек салмагъанбыз.

ЭФЕНДИЛАНЫ

Фуад,

Искусстволаны Шимал-Кавказ институтуну культурология кафедрасыны преподаватели:

– Мени кыолума кёп ахча тюшсе эди, аны ахыр калегине дери да ёксюз сабийлеге фатарла алып берлик эдим. Ала юйлю-кюнлю болуларын сюеме.

БОТТАЛАНЫ

Жабраил,

медицинада ишлейди:

– Сейир соруду. Алай мени да барды соруду: «Адамга жетер ючюн, ненча миллион сом керек болур?» Юйюрюм бла бирге бир фатардан чыгып, башхасына кече айланабыз. Аны себепли бек алгъа кесиме юй ишлерик эдим. Ёсюп келген сабийлени хар бирине да не фатар алыр эдим, не юйле ишлеп берир эдим. Къалса уа, саусуз сабийлеге болушурга угъай дерик туюолме.

ХОЗАЛАНЫ

Фатимат,

«Черекские вести» газетни корреспонденти:

– Юч туудугум барды да, ала бир затдан да апычымаз мадарла этерик эдим. Сёзсюз, къолайсыз, болушлукъ керекли жууукъларыма да билеклик этерден арха турмаз эдим.

УЯНАЛАНЫ

Марина,

«Эльбрус» ресторан ишчиси:

– Ахчамы банкга салып, кесим андан тюшген файдага жашарык эдим. Эгечлериме, кыарындашым, аладан туугъанлагъа да болушурук эдим. Иги кесек ахчаны уа, ауругъан сабийлени багъарга кыоратыр эдим».

ЭФЕНДИЛАНЫ

Зульфия,

Кёнделени 4-чю номерли мектебини устазы:

– Жашауда бола турган ишле мени жюрегими кыйнайдыла. Бай болсам эди, кёп затны тюрлендирге кюреширек эдим. Бек биринчи, ахчаны медицина жаны бла илмуну айнытырга кыоратыргъады муратым. Адамла космосха уададыла, бир-бир аурууланы уа хорлаплайдыла. Аны хатасындан не къадар сабий, жаш адам кетип барады арабыздан.

ГИЖГИЛАНЫ

Жанна,

психолог:

– Ахчам кёп болса, муратымы толтурмай къоярык туююл эдим. Бек биринчиден, экологияны тапландырыр ючюн, хар кимни да машиналарындан тышюрюп, велосипедлеге олтуртурук эдим. Элперибизде жауу, машинала жюрюген жолланы да тапландырып, ауругъанлагъа да кыолумдан келгенича болушурук эдим.

ГАЗАЛАНЫ

Масхут,

ЛДПР партияны Черек районда бёлюмюню келечиси:

– Битеу болган ахчамы ахыр калегине дери жер башында мамырлыкъ болур ючюн кыоратыр эдим.

ХУБОЛЛАНЫ

Зухура,

пенсиячы:

– Бек аздан бир он сабийни боюнума алып, битеу кереклери бла да тынгылы жалчытып, окъутхан этерик эдим. Дагыда къолайсызлагъа да болушурга сюеме. Кертиди, шёндю да кыолумдан келгенни аямайма.

ЖАНИКАЛАНЫ

Суфиян,

пенсиячы:

– Ахча кёп, аз болса да, кыарыусуз, къолайсыз жашагъанлагъа кыолунгдан келгенича болушурга керекди. Мен бек алгъа аллайлагъа эмда ёксюзлеге эс тапдырырга кюреширек эдим. Экинчиден а, элледе орамлада жолланы тап халгъа келтирлик эдим.

КЪАЙТАЛАНЫ

Аминат,

радиожурналист:

– Кесиме жашау журт ишлерге эмда кызыбызны билимине кыоратырык эдим. Сёзсюз, жандуурлукыга да, дагыда къалса уа – жолоучулукылагъа.

АЗАМАТЛАНЫ

Руслан,

Нальчикде 27-чи номерли мектепни 9-чу классыны окуучусу:

– Мени бир муратым барды – кесими ашханамы ачарга. Аны ючюн къадалып окъурга керек болганымы да билеме. Аттестатымы алып чыкъсам, Москвада Плеханов атлы университетте кирирге деп турама.

Соруду ХОЛАЛАНЫ Марзият бардырганды.

Кёрмюч

Суратлау искусстволаны А.Л. Ткаченко атлы музей-инде Хабичланы Исмайлны жашы Магомедни энчи кёрмючю ачылганды. Аны скульптуралары, бояу бла жазылган суратлары, графикасы жалаңда Кавказда угай, Россейде, башка кыраллада да белгилдиле. Къарачай-Черкес Республиканы халкъ суратчысы, Петр Столыпин атлы премияны лауреаты, Илмуланы эм искусстволаны Петровский академиясыны член-корреспонденти Хабичланы Магомед халкъла аралы кёрмючлеге тири къатышады. Сёз ючюн, Къазанда «Тюрк дуния», «Маданиятланы араларында байламлыкъла» (Москва-Париж), Грузияда «Сау кел, Кавказ!», Тюркде «КъЧР-ни кюнлери» деген кёрмючледе аны чыгъармаларына устала, къараучула да бийик багъа бергендиле.

«Мен гъаршны инсаньыма»



Кёрмючню ача туруп, искусствовед Нина Леонтьева Хабичланы Магомед агъачны, темирни, бояуну да ангылагъан, сезген, жашырын кючлерин, амалларын билген чынты уста болгъанын чертгенди. Анга быйыл жетмиш жыл болады да, ол: «Мен юбилейим бла байламлы битеу да чыгъармачылыгъымы толу кёрючючюн, темирден, агъачдан ишлерими да, бояу суратларымы да бирге келтиргенме. Алай, Аллах айтса, келир заманда тематика кёрмючле да этерме», - дегенди.

КъМР-ни Суратчыларыны биригиуюню башчысы Жанна Канукова: «Магомед академиялы чыгъармаладан башлап абстракцияга дери - хар затны да эте беледи!» - дегенди.

Поэт, «Минги-Тау» журналы баш редактору Додулары Аскер Магомедни юбилейи бла алгъышлагъ-

анды, миллет искусствону айнитханы, халкъыбызны тарыхын ачыклагъан сыфатла къурагъаны ючюн жюрек ыразылыгъын билдиргенди эм Къулийланы Къайсын атлы майдал бла саугъалагъанды. «Биз бир жол Тюркге багъаныбызда самолёт Магомедни ишлеринден толу эди. Анда кёрмючге кеп адам келгенди, бир-бир чыгъармаларын сатып алгъан эдиле, къалгъанларын чомарт Магомед саугъа берген эди. Мындан ары да адамланы къуандырырча Аллах кюч-къарыу берсин!» - дегенди ол.

Поэт эм тилманч Бегийланы Абдуллах кёрмюч кимни да сейирсиндиррча бай болгъанын чертгенди. «Магомед фахмулу скульпторубуз Кърымшамхалланы Хамзатны ишин бардырады, аны жолун, ызын кенгертгенди, теренирек этгенди. Миллет маданиятда алай болады: чыгъармачылыкъ



бла кюрешген адамла бир-бирлери бла байламлыдыла. Хабич улу сохта болгъанлыкъгъа, устазын да хорлагъанды. Аны ючюн да сау болсун», - дегенди ол.

Суратчы Анатолий Жиров бла Руслан Цримов Хабичланы Магомед бла бирге Къарачай - Черкес институтну художестволу-графика факультетинде окугъандыла. Жиров Магомедни быллай бир ишин бир жерде кёргенден сора аны искусствогоа кертичи болгъанын ангылагъаныны юсюнден айтханды. Цримов да юбиляр кече жукъугъа окууна заманын кызыгъанып, кеп ишлегенин чертгенди.

Ызы бла суратчы кёрмючге келгенлени соруларына жууапла бергенди. «Сизни кеп чыгъармаларыгъыз гъарша аталыпдыла. Ол не зат бла байламлыды? - деген соруугъа, Магомед: «Мен гъаршны адамыма!» - деп жууаплагъанды. «Скульптуралагъа эскизле этгенде, сиз компьютер бла хайырланамысыз?» - деп соргъанды Байсыланы Марзият. «Хау, ишимде компьютер технологияла бла хайырланама. Суратла да этеме компьютерде, артада аны басмайлама. Алай компьютер графика бла кюрешгенликте, бояу бла суратла этгенликте, бек алгъа кесими скульптурага санайма», - деп жууаплагъанды юбиляр.

Скульптураларында уа къарачай-малкъар халкъны белгилли адамларыны сыфатларын сора да, космосну темасына аталгъан ишлери керти да келдиюле. «Космос бла байламлы ишлеримде шарны формасын хайырланама. Ол төп-төгерекиди да, аны хайырындан скульптура тап керюнеди. Кеп кёрмючледе болгъанма, бек уллу ишле окууна кезге тап керюнемей, мур-



дорлары болмай къаладыла, хау аны жутуп баргъанча. Төгерек шарны уа хау жуталмайды», - дегенди Хабич улу.

Магомед Кавказны, къарачай-малкъар халкъны элдерин, миллет маданиятны энчи суйген адамды. Ол 1953 жылда Къазахстанда туугъанды. «Таматала къуру Кавказны сагынганлай, элерибизге тансык болгъанларын айтханлай тура эдиле. Жерибизге къайтханыбыз бек уллу насыпды», - дегенди ол кеси уа тобешиуюн ахырында.

Жыйылгъанла сохтала бла болумну юсюнден да соргъандыла. Алыкъа Магомед усталыгъына юрети тип башламагъанды, алай бу жумушну къолгъа алырға деп турады. Биз а барыбыз да жууаплы жумушунда фахмулу скульпторгъа, суратчыга кюч-къарыу, узакъ ёмюр тилеибиз!

БАЙСЫЛАНЫ Марзият.

Юретиуле

Жаш тёлю тюз жолдан таймазча

Нальчикде жети минген артык окуучу «Сабийлерибизни саууклары эм къоркюусулуклары ючюн» акциягъа къатышхандыла. Аны КъМР-де МВД-ны наркотиклени законсуз сатыу-алуу жаны бла управлениасы, министерствону акылбалык болмагъанланы ишлери жаны бла бёлюмо, билим беру департамент эм Нальчикни администратциясыны жаш тёлуюн ишлери жаны бла управлениасы Саулык сакълау министрствону наркология диспансери бирге бардыргъандыла.

Бу жол юретиу ушагъла Нальчикни 21-чи, 33-чю орта школларыны эм «Успех» билим беру араны окуучулары бла ётдюрюлгендиле. Аланы кезиуюнде наркотиклени законсуз сатыу-алуу, терроризмни эм экстремизмни хаталарыны юслеринден, акылбалык болмагъанланы аманлыкъ ишледен тыяр амалланы юслеринден айтылгъанды.

Акциягъа КъМР-де МВД-ны жамауат советини келечиси, Нальчик шахар округну Благоденный Протоиерей Валентин Бобылёв, маданиятны белгилли къуллукчулары, тренерле эм республиканы жамауаты къатышхандыла. Тюбешуюн чегинде жаш тёлуюн Ата журтха суймекликде ёсдюрюю юсюнден да айтылгъанды, юлгоге документли кино да кёрюстёлгенди.

Ызы бла къонакъла наркотиклени законсуз сатыу-алуу ючюн уголовный эм административ жууаплыккъга тартылырға боллусун билдиргендиле. Андан сора да, кеф этдирген ичиглини эм тотюнюн хаталыкъларын ангалатхандыла, право нязамга бузукълукъ этерге жарамазлыгъын да эсертгендиле.

Ушакъла сабийле кеслери да тири къатышхандыла, ызы бла уа соруларына жууапла тапхандыла. Ахырында жыйылгъанла барысы да бирге «Наркотиклеге - угъай!» деген ат бла сурат этгендиле.

Быллай тюбешуюле бла Нальчикни билим беру учреждениларында айлыкъ бошалгъанды. Ол кезиуюн чегинде профилактика ушагъла Нальчикни 34 школунда ётгендиле, алаш 7000-ден аслам школчу бла ата-анала къатышхандыла, деп билдиредиле КъМР-де МВД-ны пресс-службасындан.

ХОЛАМХАНЛАНЫ
Алима.

Учредительле: Къабарты-Малкъар Республиканы Парламенти бла Правительствоу

Баш редактор
КЪОНАКЪЛАНЫ Хасан

РЕДКОЛЛЕГИЯ:

ТЕКУЛАНЫ Хауа
(баш редактору орунбасары),
ЖАНГУРАЗЛАНЫ Нажабат
(баш редактору орунбасары),
ТОКЪЛУЛАНЫ Борис
(жууаплы секретарь),
МУСУКАЛАНЫ Сакнат,
ТИКАЛАНЫ Фатима,
ТРАМЛАНЫ Зухура,
УЛБАШЛАНЫ Мурат.

ТЕЛЕФОНЛА:

Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 40-03-24. Секретариат - 40-93-62. Корректорла - 42-63-52.

Газет Басманы эм асламлы информацияны эркинликлерин кюруулау жаны бла Къабарты-Малкъар регион инспекцияда 2016 жылда 19 декабрьде регистрация этилгенди.

Регистрация номер — ПИ № ТУ07-00118. Индекс - П 5893

Газетни басмагъа «КъМР-Медиа» ГКУ-ну компьютер службасы хазыр этгенди.

Газет «Издательство «Южный регион» ООО-ну типографиясында басмаланганды. Ставрополь край, Ессентуки ш., Никольский орам, 5а

Номерге графикге кере 19.00 сагъатда къол салындаы. 20.00 сагъатда къол салынганды.

ГАЗЕТНИ НОМЕРНИ ЧЫГЪАРГАНЛА:

Тикаланы Фатима - дежурный редактор, Кучукланы Сафият, Кетенчиланы Зульфия - жууаплы секретары орунбасарлары; Гейяланы Валентина (1,2,3,4-чю бетле), Ахматланы Люоза (10,11-чи бетле) Зезаланы Лида (9,12-чи бетле) - корректорла.

Тиражы 1721 экз. Заказ № 495
Багъасы эркинди.

РЕДАКЦИЈНЫ ЭМ
ИЗДАТЕЛЬНИ АДРЕСИ:



360000, Нальчик шахар,
Ленин атлы проспект, 5

электронный почтасы:
elbor_50@mail.ru